

# BODRAP ZINIS #2

BOROWYS MC DRAUGU APVĪNEIBYS INFORMATIVS IZDAVUMS (28.11.'07)

## Vasali!

Tāņ taidis laiks, kod eistyn navar saprost: rudiņš ci zīma, bet tys jau namaina lītu kuorteibu. Provadūt vīnu i sagaidūt ūtru Tovā e-posta kasteitē otkon īkrytušs jaunuokuos zinis par, ap i ar grupu Borowa MC i tuos draugim – taitod sevкуру nu mums! Itymā reizē tod gon par jaunuokim i vacuokim nūtykumim, rudinī nūzeimeigom lītom i gaidomū zīmu. Taipōš palīk spēkā īspieja: ka koč kas ni interesej, tod drūši roksti: [bodrap@inbox.lv](mailto:bodrap@inbox.lv).

Ar sveicīnim,  
*Edeite*

## Gaidom 3. decembrī!

Vaicuosi, kas tī tik svareigs? Itymā godā Latvejis muzykā otkon div taidys svareigi goda topi i aptaujis. Pymajā – Ceinis klubā (biļdis vari atrost [EASYGET](#)) Dīvam žāļ naguoja tik labi (bet lels, lels PAĻDIS vysim, kas atbalstieja), bet ir ūtrīs – SEB Muzykaluo banka, kura sovus finalistus paziņuos 3.decembrī. Gaidom i turam eikškus, kab tī īraudzeitu ari Borowu ar dzīsmu “Puseite”, kam ir realys izredzis! :) Atkareibā nu tuoļuokim nūtykumim, tod jau informaceja sekuos! Bet pagaidom veļ vari atbalsteit i vierītis vysus jaunumus Muzykaluos bankys sātyus lopā: [www.muzykalabanka.lv/](http://www.muzykalabanka.lv/)



## Kai Borowa Mc atzeimova Vaļsts svātkus?

Novembris kai kotru godu Latvejā saistuos ar taidu svineigi patriotisku laiku – gon Luočplieša dīna 11. novembrī, gon Vaļsts svātki 18. novembrī. Kai itūs svātkus pavadieja i kū vyspuor kotram nu grupys daleibnīkim nūzeimoj Vaļsts svātki, vari izzynuot tiuleņ pot!

### **Kū Tev nūzeimoj 18. novembris?**

**Aigars:** 18. novembri uztveru i svinu kai svātkus - dzimšonys dīna kam ļūti nūzeimeigam, datums, kuru navar i navajag aizmierst! Zynūt, kai vyss gryutai nuocās 89 godus atpakaļ ir juoprūt šudiņ nūvietēt tū, kas myusim ir. Tei nav pošsaprūtama līta, tys ir kaut kas eipašs. Golu golā - var saceit, ka tei ir vēl vīna dzimšonys dīna goda garumā, kod svinēt i prīcuotīs.

**Ingars:** Nadaudz svineiguoku sajiutu nakai ikdīnā. Kaut kaida svātuma pīskoņa tam vysam.

**Leila:** Nikū.

### **Kai pavadieji/ nūsvinieji vaļsts svātkus?**

**Aigars:** Šūreiz vaļsts svātki beja īkrytuši 7dinī - nu vīnys pusis labi, var sagaidēt vēl vīnu breivu dīnu, bet nu ūtrys pusis - maņ 7dīnuos īrostais dorba laiks radio SWH viļņūs, leidz ar tū vysu dīnu beju sastūpams oranžajūs viļņūs! :) Vokorā gon brauču tiemēt salutu Krostmolā. Atzeišūs, ka lykuos ciš eiss! :) Nasaguo šūgod dareit tradicionaluos lītys - likt zīdus pi Breiveibys pīminekļa, klauseitīs prezidenta runu i byut kūpā ar draugim.

**Ingars:** Dīmžāļ nīkuo eipaša, struoduoju i gatavuojuš dorbim LU i RA.

**Leila:** Nasvinieju. Taču dzierdeju, ka byus salyuts i ar draudzenem aizguoju iz tū pasaviert (deļ tuo, ka maņ pateik vāruot salyutus).



Tai kai ari SEB Muzykaluos bankys finalā Borowa MC var starteit ar dzīsmi „Puseite”, tod itymā reizē ituos dzīsmis vuordi, kab var dzīduot leidza! Lai skaņ! ;)

### PUSEITE (pīsadolūt Zanei Dombrovskai)

Vysys durs aizcārt prīškā,  
Salīk septenūs atslāgus.  
Klauveju klusi.  
Voi, Dīvs, te ysi izmyruši?

Cīma kukuļs man leidza –  
Nikas daudz,  
Sakalts rudzu maizis kanceits.  
Nasmuodejit, jemit,  
Laužšu, dūšu pusi kanceiša sova.

Kas ar syltom rūkom vuojuots,  
Soltā iudinī miercāts,  
Korstā ceplī īškā šauts,  
Ar nazi dalāts divuos vīnaiduos dajuos.

Iedit soldonu muti  
Voi nūglobojit styurī,  
Ja reiz nuoks cylvāks kaidis,  
Kuram nūderēs tys vairuok.

Līcit zemē, audzejit –  
Dolit sāklis lobim cylvākim,

Naz voi cylvākim tik lelys mutis,  
Ka tī apēss – beidzamuos pusis..

**Sasatiksīm pavysam dreiz̄..  
Zemē, kur vīnmār ir labi.**



Divys puseitis – taida muna pasaule.  
Vīna sova, ūtra – kaidam aizlīnāta!

Vīnmār ļaužu puorprosta,  
Nu cytim glupai izsmīta,  
Kaidam klusi žāluota,  
Svešim skali izklīgta,  
Bet taida tikai muna - puseite nu sevis.

Skrīnu, klīdzu, saucu, mekleju,  
Kur tagad esi tu,  
Vēļ tikkū beji te.  
Bet nu jau tuoli prūjom.

Nikuo dareit,  
Lobī ceļavuordi paliks munā kabatā deļ tevis  
Paliks maizis kanceits tovs.  
Poruodā tev byušu..

Vīnolga – varbyut pasaulē cytā,  
Bet tevi pazeišu es vīnmār.  
Atsaceriešu, ka reiz  
Tu man paruodeji pasauli cytu..

**Sasatiksīm pavysam dreiz̄..  
Zemē, kur vīnmār ir labi**

\*\*\*\*\*

### Vīna nu BODRAP!

Turpynom veiksmēigai Tsuoktu tradiceju – Tsapazeistom vīns ar ūtru! :) Itymā reizē par sevi stuosta i iz vaicuojumim atbiļd meitine, kura pymruo aktivi pīsavārsuse Borowys fanu lītom, grupys Fanu kluba vadeituoja: **Anete Līcīte**.

**Pastuosti 5 vuordūs par sevi! Kas esi, kū dori, kas pateik, napateik?**

Tikkū asu pabeiguse vydusškolu. Struodoju veikalā par bērnu uzraudzi, puordevieju :D Pateik fotograpeit, pateik zīma, snīgs i muzyka. :)

**Deļ kuo Tev pateik „Borowa MC”?**

Borowa MC maņ pateik dažaidu apsvārumu deļ... Golvonūkuort deļ tam, ka dzīsmis, kurys jī izpylda ir latgalīšu volūdā, kas maņ ir cīš meila. :) Ari dzīšmu vuordi ir ar skaistu dūmu...

**Kai Tu suoki/ daguoji leidz paleidzeišonai grupai dorbā ar fanim?**



Maņ jau seņ gribejuos izmiegynuot spēkus kaidys grupys Fanu kluba vadeišonā... Tai nu tikkū pasaruodeja grupa Borowa MC nūliemu Aigaram izraksteit viestuli par Fanu klubu i jis pīkryta, ka vodu jūs Fanu klubu.

### ***Tovs nūvieliejums BODRAP bīdrim i puorejim grupys draugim i atbalsteituojim!***

Nūvālu vysim saglobuot ticeibu sovim spēkim... Nikod napasadūt, i ja radzi, ka rezultats, kurš tyvojuos izaskotuos dīzgon negativs, tūmār juopasacensuos i juopasacens tys vyss vierst iz lobu... Golvonais ticēt, ka tīši Tu vari vysu!!! :) Veiksmi vysim i vysom! ;)

\*\*\*\*\*

### **Jaunami nu Babys Tonis frontis!**

Veiksmeigai prezentātīs klips (vaira informacejis par klipa prezentaceji vari atrost grupys sātyslopā [www.borowa.lv](http://www.borowa.lv)) niu izsuocs sovu guojīni pa TV klipu topim. Klipu nūsaviert i par tū reizē nūbolsuot (1x dīnā bez moksys) vari Latvejis muzykys kanālā (<http://www.lmk.lv/video/video.php?vid=183693>) kai ari LTV 7 raidejuma SeMS nedelis Topā ([http://www.ltv.lv/sems/peiktdiena/nedelas\\_tops](http://www.ltv.lv/sems/peiktdiena/nedelas_tops)), kur vari bolsuot daže 3 reizis dīnā! :) Babai Toņai pateik byut TV i jei prīcuosīs par Tovu paleidzeibu jau tī byut! :) PAĻDIS! ;)



\*\*\*\*\*

### **Kū nu Zīmyssvātku veceiša maisa lobpruot sajimtu grupys daleibnīki?**

Naapšaubamai jjutama zīmys i dreišuo Zīmyssvātku tyvuošonūs i deļ tuo parosti aktualizejuos vaicuojums par Zīmyssvātku duvonom. Kū grybātu sajimt Leila, Aigars i Ingars?

**Ingaram** prīcu iz Zīmyssvātkim saguoduotu kaida meikstuo rūtaļlīta sev i loba vielejumas vysai grupai. **Aigars** prīcuotūs, ka veceits iz Zīmyssvātkim izduovynuotu grupai jaunu albumu! Nu na taišni iz pošym Zīmyssvātkim, bet jaunu goda laikā. Tod veļ jū varātu īprīcynuot ar kaidu lobu gruomotu i vaira breivuo laika, kurā varātu tod tū gruomatu puorskaiteit. **Leila** gon uzskota, ka vyss, kū vālamīs kab pīsapylda, kod ni pīsapylda taipoš i deļ tam nāvā vādzeigi Zīmyssvātki.



\*\*\*\*\*

### **Borowa Mc latgalīšu dzīšmu izlasē!**

Tiuleņ tiuleņ dīnys gaismu īraudzeis pošā pyrmuo tikai latgalīšu dzīšmu izlase „Latgolys Radejis izlase”, kurā divdesmit dzīšmu vydā atrūnoma ari grupa Borowa MC ar vīnu nu sovym paguojušu goda leluokim hitim – dzīsmi „Maņ navajag”, kurys īrokstā pīsadola ari Mārtiņš Freimanis!



\*\*\*\*\*

### **TOPOJOM!**

I taitod veļreiz atguodynuojums kur i kaidūs topūs vari atrost grupys dzīsmis ci video:

- **SEB Muzykaluo Banka:** *Puseite, Zvīdzi zvīdzi* [www.muzykalabanka.lv/](http://www.muzykalabanka.lv/)
- **Latgolys Radejis Top 20:** *Es Tevi mīļoju* <http://www.lr.lv/?menu=topi>
- **Latvejis Muzykys kanals:** *Baba Toņa Inženers, Puseite, Maņ navajag, Sīlva* [www.lmk.lv](http://www.lmk.lv)
- **LTV7 SeMa Tops:** *Baba Toņa Inženers* [http://www.ltv.lv/sems/peiktdiena/nedelas\\_tops](http://www.ltv.lv/sems/peiktdiena/nedelas_tops)

\*\*\*\*\*

## APKLAUSA

Kai jauna BODRAP ZIŅU sadaļa varātu kļūt Apklausā, kurā nūskaidrotu Tavus dūmys i vīdūkli. Tod nu itymā reizē itaids vaicuojums: ***Kū Tu grybātu izduovynuot grupai iz Zīmyssvātkim?***

- Lai izdūmoj Zīmyssvātku veiceits pots!
- Tū kū jī vysvaira grib!
- Siltys zečis
- Nu drūši viņ tū žagaru bunteiti...
- Daudzi kompešu
- Daudzi pīrcys jaunā godā!
- Koč kū!

Sovu atbiļdi syuti iz **bodrap@inbox.lv!** :)

Ari Tu vari īsasaiteit Apklusys veidošonā! Syuti sovu apklausu i sajām puorsteiguma balveņu! ;)

\*\*\*\*\*

## MEKLEJ BODRAP!

BODRAP zinis nav vīneigīs veids, kai Tu vari dazynuot, kas jauns i aktuāls nūteik ar grupu i BODRAP'ā!

Veļ vari viertīs:

- Grupys sātys lopā: [www.borowa.lv](http://www.borowa.lv)
- Draugiem.lv Muzykys sadaļ: <http://www.draugiem.lv/music/musician.php?mid=3169> i draugiem.lv Borowys MC Dūmubrīdri: <http://www.draugiem.lv/groups/group.php?gid=29713&grouplanguage=lv>
- Latgālīšu Kulturyš gazeta lakuga.lv – tī BODRAP'am i Borowai sova sadaļ: <http://www.lakuga.lv/lg/muzyka/borowa>
- Veļ ir taidys pavysam jauns muzykys portāls [www.randoms.lv](http://www.randoms.lv), kur ari ir šys tys par Borowu! <http://www.randoms.lv/lv/musicians/view/144#biography>
- I veļ tikai BODRAP bīdrim ir īspieja sovā storpā komūniceit specialā tūs pošu draugiem.lv BODRAP dūmubrīdru sadaļā: <http://www.draugiem.lv/groups/group.php?gid=132403&grouplanguage=lv> Tī gon veļ eistyn nikuo nav, bet tys tik deļ tuo, kai gaida taišni Tevi!!! ;)
- Kai ari Baba Toņa (Antonija Žerāne) lobpruot gaideis Tovu uzaicynuojumū i draudzeibu! Meklejš tož īšk portāla [www.draugiem.lv](http://www.draugiem.lv)

\*\*\*\*\*

**BOROWYS MC DRAUGU APVĪNEĪBA!**  
**Roksti: bodrap@inbox.lv!**